

《中國地方志薈萃》編委會 編

中國地方志薈萃

中南卷·第一輯 拾壹

中國地方志薈萃

中南卷·第一輯

拾

壹

《中國地方志薈萃》編委會 編



九州出版社
JIUZHOU PRESS

全國百佳圖書出版單位

乾隆襄陽府志（四）

出版說明

乾隆襄陽府志（四）

（清）陳鶚纂修

襄陽府志卷之二十七

耆舊

宋

張士遜字順之祖裕嘗主陰城鹽院因家陰城士遜生百日始啼淳化中舉進士爲鄖鄉簿遷射洪令轉運使檄移治鄴民遮馬首不得去因聽還射洪安撫使至梓州問屬吏能否知州張雍曰射洪令第一也改襄陽令竇元初歷官門下侍郎兵部尙書平章事蓋三入相矣累上章請老拜太傅封鄧國公致仕間遣中使勞問御書

飛白千歲字賜之因建千歲堂就第凡十年卒年八十
六贈太師中書令諡文懿御篆其墓碑曰舊德之碑子
友直字益之賜進士出身知襄州累官工部郎中知越
州州民每春歛財大集僧道士女謂之祭天友直禁絕
取所歛財建學以延諸生卒官幼子友正字義祖杜門
學書積三十年不輟遂以書名神宗評其草書爲本朝

第一

朱史

蹇溫故字士範輕財濟急不吝千金漢水兩溢漂没尸數
萬溫故咸市藁葬之水後歲饑發粟數千石煮粥以賑

郡守宋庠上其事朝廷徵辟不就卒夏竦爲之墓表

宜城志云萬歷甲申冬樊村洲崩出公墓表始知其

事

歐陽慶字貽孫光化人以同三禮出身官漳州推官知永

春縣居官廉潔宗族孤幼皆養於家及卒歐陽修表其

墓子世英鄧城令世勛舉進士

舊志

戴國忠光化人慶歷中進士歐陽修稱其忠信篤於朋友

孝弟孚於宗族禮義達於鄉里仕終屯田郎中

舊志

石潑光化人仕爲朝散郎博通古今其詩澹泊時出偉麗

仕既不達自晦田里有滄浪集

舊志

劉學臣光化人仕爲行省員外郎

舊志

張問字昌言襄陽人進士起家歷江東淮南河北轉運使
十年不奏考課詔特遷其官入爲度支副使熙寧末知
滄州新法行獨不阿時好歲饑爲帝言民苟免常平助
役之苦反以得流亡爲幸語切直驚人元祐初爲秘書
監給事中累官正議大夫卒年七十五問處已廉潔嘗
仕鄜延幕府與种世衡友善父喪世衡貽汝州田十頃
弗受使歸未至而世衡卒其子古用父治命亦不納田

蕪穢者三十年後汝

守請以給學朝廷命反諸种氏

張巨源劉潭芳襄州人

五世同居賜詔旌表門閭巨源素

習法太平興國五年

賜明法及第芳淳化四年來賀壽

寧節賜進士出身

宋許

史附
祥傳

王遷上世閩人徙錢塘

開元中再遷穀城世有陰德至遷

尤號長者鄉人有鬻

女於市以償逋遷不商直而售之

曰翼日以女來作券

至則笑曰吾爲汝償逋爾焉用女

爲卒歸之所居去杜

母鎮十餘里有僧與邢氏怨投張

海爲賊導之自均房

來欲復仇遷聞賊且至曰我去賊

必殘吾鄉具牛酒待之賊素聞君賢及見君貌兇暴之
氣頓除約其徒秋毫無犯亟遣告邢舉族遯去賊至鎮
竟無所肆虐遠近翕然皆呼曰無怨公議者以比漢之
伏不鬪云子文守父訓與從兄高相敬如賓三世聚居
甘苦惟均鄉人取以爲法之望貴贈遷太子太保贈文
太子太傅君子曰王氏之有後也宜哉文子綱

綱字振仲登元符三年進士穀城有進士自綱始歷官朝
散郎通判徽州金人再犯闕綱在圍城中金人議立張
邦昌君驚泣而出曰始吾以爲立皇太子若爾非吾所

敬知卒不書名建炎元年卒於家累贈至少保王十朋

撰墓誌三世之行蹟具詳焉子之望

俱見梅溪集

之望字瞻叔登紹興八年進士初爲國子博士有名孝宗

朝拜參知政事兼同知樞密院事爲言者論罷提舉江

州太平興國宮寓居台州臨海縣子孫因家焉乾道元

年起爲福州福建路安撫使加資政殿大學士六年卒

之望有文藝幹畧當秦檜時落落不合或謂其有守紹

興末力附和議迄以此廢焉

宋史本傳

士學可字亞夫襄陽人參政之望孫淳祐間爲臨安府倅

有詩名

宋詩紀事

舊志以遷事誤入

綱傳今從墓誌更正考之望子知

房州鑪知荆門軍

銖太府卿給孫金部郎中岑與弟

淦皆用廕入官淦

以魏了翁薦擢知衡陽縣有政蹟

俱以遷居台州臨

海台志業經詳紀不復採入惟學

可宋詩稱襄陽人

故附紀焉然學可官淳祐時則宋

末之望後裔猶有

居襄陽者矣

常元紹襄州人十世同

居守臣

原係所
在二字

請加旌表詔從之

仍蠲其課調

宋史附
傳云咸

見裘承詢
平以後人

魏泰字通甫襄陽人曾布子宣之妻弟幼爽邁能屬文晚

節卜隱漢上有臨漢隱居集二十卷

文獻通考

曾絃字伯容其先南豐人父阜字子山於子固爲從兄弟

嘗將漕湖南後家襄陽絃子思字顯道父子皆有官而

皆高亢不仕絃撰臨漢居士集七卷思撰懷峴居士集

六卷楊誠齋序其詩以附詩派之後略云伯容詩源委

山谷先生顯道得其父句法望山谷之宮庭蓋排闥而

入歷階而升者歟

文獻通考

范宗尹字覺民襄陽鄧城人宣和三年上舍登第高宗朝

拜叅知政事言太祖收藩鎮之權天下無事百五十年
可謂良法然國家多難四方帥守單寡束手環視此法
之弊今當稍復藩鎮之法裂河南江北數十州之地付
以兵權俾藩王室較之棄地夷狄豈不相遠上從其言
授同中書門下平章事兼御營使時年三十近世宰相
年少未有如宗尹者宗尹有才智當北敵肆行之衝毅
然自任建議分鎮以是得相位然綱紀不立故諸鎮帥
鮮能久存爲議者所詆落職卒年三十七

宋史

張嶠字巨山光化人宣和三年上舍選中第紹興七年遷

史館校勘著作郎因對言吳蜀唇齒之勢也蜀去朝廷
遠早得一賢宣撫使爲要又言自駐蹕吳會以來似未
嘗以襄陽荆南爲意今宜亟選有牧御之才者爲一路
帥使之招集流散興農桑治城壁以爲保固之資益重
上流之勢九年除司勳員外郎金人敗盟命兩省卿監
郎曹各草檄以進取岷所進者播之四方十年擢中書
舍人論王德收復宿亳兩郡乃擅退軍使岳飛勢孤金
人猖獗授承宣防禦使何鑄應罰而反賞封還詞頭乞
罷已降轉官指揮未幾爲萬俟卨論罷起知衢州歲滿

得請提舉江州太平興國宮上將召用會疽發背卒

昌時

宋史

祁寬均州武當縣人每與朱子講論性理發明聖道

萬志

孟宗政字德夫其先絳州人祖安嘗從岳飛軍有功父林從飛至隨州因家東陽宗政自幼豪偉有膽畧常出沒疆場間開禧二年金犯襄郢率義士據險邀擊奪其輜重補東陽令轉京西鈐轄駐劄襄陽嘉定十年金犯襄陽與扈再興陳祥設伏血戰金人敗走尋報東陽圍急宗政午發峴首遲明抵東陽馳突如神金人宵遁差權

棗陽軍初視事一愛僕犯新令立斬之軍民股栗於是
築隄積水修治城堞簡閱軍士十一年金帥完顏襄不
擁步騎圍城隨方拒戰金人奔潰賜金帶轉武德郎十
二年金帥完顏訛可擁步騎傅城宗政激將士力戰凡
十五陣射其都統殪會王大任領銳卒冒圍轉鬬入城
士氣大振賈勇入金營自晡至三更奪其銅印十有六
訛可棄帳走捷聞升武功大夫制置使以湖陽縣金兵
迫境檄圖之宗政一鼓而拔燔積聚夷營若俘掠以歸
金人自是不敢復窺襄漢棗陽遷荆鄂都統制仍知棗